

Mien - Daic Ging-Sou - Free from Death Scriptures

Lomaa 6:23 Weic zuqc zuiz nyei gong-zinh se bun mienh zuqc daic, mv baac
Tin-Hungh baeqc baeqc bun nyei zingh nyeic se mbuo caux mbuo nyei Ziouv
Giduc Yesu juangc maengc ziangh ziouc duqv yietc liuz nyei maengc.

Lomaa 8:2 weic zuqc Singx Lingh nyei leiz, dongh bun mbuo caux Giduc Yesu
juangc maengc ziangh wuov nyungc leiz, bun yie leih ndutv zuiz nyei leiz
caux zuqc daic nyei leiz.

2 Ti^mo^tai 1:10 Mv baac ih zanc mbuo nyei Njoux Ziouv Giduc Yesu njiec daaih
biux mengh naav nyungc en, weic zuqc Giduc mietc nzengc daic nyei qaqv,
yaac longc kuv fienx bun mienh hiuv duqv yietc liuz maiv haih daic nyei
maengc.

Yopv 5:2 Qiex jiez nyei jauv haih daix daic hngongx nyei mienh, mueic jieqv nyei
sic yaac daix daic hnamv maiv hiuv haaix nyungc nyei mienh.

Ho^se^yaa 13:14 Yie horpc zuqc zuoqc ninh mbuo leih ndutv yiemh gen nyei
qaqv fai? Yie horpc zuqc zuoqc ninh mbuo biaux ndutv zuqc daic nyei qaqv
fai? O zuqc daic nyei qaqv aah! Meih nyei zeqc naanc yiem haaix? O yiemh
gen aah! Meih baaic mietc nyei qaqv yiem haaix? "Yiem yie nyei nza'hmien
se hnangv buang jienv, maiv maaih yietc deix korv-lienh mienh nyei jauv.

Singx Nzung 9:13 O Ziouv aah! Tov meih korv-lienh yie. Tov meih mangc nzorng
yie wuov deix mienh bun yie zuqc nyei kouv naanc. Se meih njoux yie yiem
zuqc daic nyei gaengh cuotv daaih,

Yopv 6:26 Maiv lamh hnamv nyei mienh gorngv nyei waac se hnangv nziaaux
nor, wuov nyungc meih mbuo weic haaix diuc oix dau wuov deix waac?

Yopv 33:22 Ninh nyei lingh wuonh taux fatv yiemh gen, ninh nyei maengc taux
fatv mietc maengc wuov deix.

E^sa^ken 37:12,13 Weic naav meih oix zuqc douc waac mbuox ninh mbuo,
'Ziouv Tin-Hungh hnangv naav gorngv, "O yie nyei baeqc fingx aah! Yie oix
koi nqoi meih mbuo nyei zouv aengx zorqv meih mbuo yiem zouv cuotv daaih
dorh meih mbuo nzuonx I^saa^laa^en Deic-Bung. 13 O yie nyei baeqc fingx
aah! Yie koi nqoi meih mbuo nyei zouv aengx zorqv meih mbuo yiem zouv
cuotv daaih, meih mbuo ziouc hiuv duqv yie se Ziouv.

Matv^taai 27:52 Janx-daic zouv yaac nqoi mi'aqv. Tin-Hungh nyei cing-nzengc
baeqc fingx, dongh daic mingh wuov deix, maaih camv nyei nangh daaih
cuotv zouv mingh.

Tin Deic Douh 2:7 Ziouv Tin-Hungh aengx zorqv deix nie-mbung nanv cuotv
dauh mienh daaih yaac biomv maaih maengc nyei qiex bieqc ninh nyei
mba'zorng. Ninh ziouc benx maaih maengc nyei mienh aqv.

Tin Deic Douh 6:17 Mangc maah! Yie oix bun mbiungc-suiv-imx yiemx ndau-
beih, yiemx daic yietc zungv yiem lungh ndiev maaih maengc nyei ga'naav.

Da'faanh nangh nyei, maaih qieb nyei ga'naaiv oix zuqc daic nzengc.
Tin Deic Douh 7:15 Yietc zungv maaih maengc nyei ga'naaiv, yietc nyungc
maaih yietc nyungc nyei doix, daaih caux Noyaa bieqc nzangv.
Tin Deic Douh 7:22 Da'faanh yiem ndau-beih maaih maengc, hah tauv qieb nyei
ga'naaiv daic nzengc mi'aqv.
Yopv 12:10 Da'faanh ziangh jienh maaih maengc nyei ga'naaiv caux zuangx
baamh mienh tauv nyei qieb yiem ninh nyei buoz.
Yopv 33:4 Tin-Hungh nyei Singx Lingh zeix yie, Nernh Jiex Wuov Dauh nyei qieb
bun yie maaih maengc.
Gong-Zoh 17:25 Ninh yaac maiv longc baamh mienh nyei buoz fu-sux ninh
hnangv ninh qiexm zuqc haaix nyungc nor. Daaux nzuonx ninh ganh bun
mbuo maaih maengc, maaih qieb tauv, yaac ceix maanc muotc bun maanc
mienh.
Laauc Yaangh 13:15 Da'nyeic dauh hieb ga'naaiv yaac duqv lingc hah biomv
qieb bieqc da'yietv dauh hieb ga'naaiv nyei fangx. Fangx ziouc hah gorngv
waac yaac hah bun yietc zungv maiv baaix ninh wuov deix mienh zuqc daix
daic.
Yo^han 10:10 Janx-zaqc daaih kungx oix nimc, oix daix, oix mietc, mv baac yie
daaih weic bun baamh mienh duqv ziangh maengc, zungv oix bun ninh mbuo
duqv dunh yunh nyei maengc.
I^saa^yaa 28:15 Meih mbuo gorngv, "Yie mbuo caux zuqc daic nyei qaqv liepc
jiez ngaengc waac. Yie mbuo caux yiemh gen gorngv horpc. Maiv gunv
maaih domh! zeqc naanc hnangv wuom yiexm daaih, maiv hah zuqc yie
mbuo. Weic zuqc yie mbuo longc gorngv-baeqc nyei waac zoux yie mbuo
ndaauh kaux nyei dorngx, yaac longc jaav nyei waac zoux dorngx bingx."
I^saa^yaa 28:18 Meih mbuo caux zuqc daic nyei qaqv liepc nyei ngaengc waac
ziouc baaic mi'aqv. Caux yiemh gen gorngv horpc nyei waac yaac liepc maiv
wuonv. Maaih domh zeqc naanc hnangv wuom yiexm daaih, meih mbuo
ziouc zuqc caaiv njiec nzengc.
I^saa^yaa 5:24 Weic naaiv hnangv douz-mbietc buov qui mbiauh nqaauv, miev-
nqaai yaac yiem douz gu'nyuoz yopv njiec, ninh mbuo nyei nzungh zungv
hnangv latv nyei ga'naaiv nor, ninh mbuo nyei biangh ziec, zuqc nziaaux
buonc hnangv nie-mbung, weic zuqc ninh mbuo ngaengc Nernh Jiex nyei
Ziouv nyei leiz-latc, aengx mangc piex I^saa^laa^en nyei Cing-Nzengc Tin-
Ungh nyei waac.
Yo^en 1:12 A'ngunc hmei nqaai nzengc. Ngongh nyorx biouv ndiangx nyaux
mi'aqv. Ziqc liouh biouv, daau ndiangx caux ba'jaauh ndiangx, caux yietc
zungv lomc-huaang nyei ndiangx kou nqaai nzengc. Zuangx mienh nyei
njien-youh zitc nzengc mi'aqv.
Ho^se^yaa 13:15 Maiv gunv ninh yiem gorx-youz mbu'ndongx hiaangx, dong
bung maengx nyei nziaaux, se Ziouv nyei nziaaux, oix daaih, oix yiem deic-
bung huaang cuotv daaih. Ninh nyei wuom-zingv oix nqaai mingh, ninh nyei

wuom-nyuonh yaac mborngx nqaai nyei. Ninh siou zinh zoih nyei dorngx oix zuqc win-wangv luv nzengc, zorqv nzengc yietc zungv jaaix nyei ga'naaiv.

Laauc Yaangh 22:1 Fin-mienh aengx bun yie mangc yungz maengc wuov diuh ndaaih, buatc nzang haic hnangv gingx-zaanv nor, yiem Tin-Hungh caux Ba'gi Yungh Dorn nyei weic cuotv daaih,

Yo^han 4:10 Yesu dau, "Se gorngv meih hiuv duqv Tin-Hungh bun nyei zingh nyeic, yaac hiuv duqv tengx meih tov wuom hopv se dongh haaix dauh, meih ziouc tov ninh, ninh yaac oix bun yungz maengc nyei wuom meih hopv."

Yo^han 4:14 Mv baac haaix dauh hopv yie bun nyei wuom, jaang yietc liuz maiv haih nqaatv. Yie oix bun wuov nyungc wuom yiem ninh nyei hnyouv hnangv yietc zingv wuom baetv cuotv daaih nor, bun ninh duqv yietc liuz nyei maengc."

Cong-Mengh Waac 13:14 Cong-mengh mienh njaaux nyei waac se ziangh maengc nyei wuom-zingv, bun mienh simv nqoi zuqc daic nyei koux.

Cong-Mengh Waac 14:27 Mienh taaih Ziouv se ziangh maengc nyei wuom-zingv, weic bun mienh simv nqoi zuqc daic nyei koux.

E^sa^ken 13:17-23 "Baamh mienh aah! Meih oix zuqc huin hmien doix meih nyei baeqc fingx nyei sieqv, se ei ganh nyei hnyouv hnamv cuotv daaih douc waac wuov deix. Meih oix zuqc douc waac gorngv ninh mbuo. 18 Oix zuqc gorngv, 'Ziouv Tin-Hungh hnangv naav gorngv. "Meih mbuo m'sieqv dorn oix zuqc kouv aqv. Meih mbuo lunh maaih faatv nyei buoz-kou yaac zoux mbiorngz m'nqorngv ndie puix mienh hlang mienh aiv, weic zorqv yie nyei baeqc fingx nyei maengc. Meih mbuo oix maaih hatc maaz gunv yie nyei baeqc fingx, bun ninh mbuo nangh fai daic, weic douh ganh duqv longx fai? 19 Meih mbuo weic i ziem nyau mbiauh mbaali caux diqv dien njuov bun yie yiem yie nyei baeqc fingx mbu'ndongx zuqc mienh mangc piev. Meih mbuo gorngv-baeqc nduov baeqc fingx muangx meih gorngv-baeqc nduov nyei waac. Maiv horpc zuqc daic nyei mienh, meih mbuo bun ninh zuqc daic mi'aqv. Maiv horpc zuqc maaih maengc ziangh wuov deix, meih mbuo yaac liouh ninh nyei maengc. 20 " 'Weic naav Ziouv Tin-Hungh hnangv naav gorngv, "Mangc maah! Yie oix zoux bun meih maaih faatv nyei buoz-kou, dongh meih mbuo longc gunv mienh nyei maengc hnangv hlopv norqc nor. Yie oix hlutv naav deix buoz-kou cuotv meih nyei buoz. Yie oix bungx dongh meih mbuo zorqv wuov deix mienh nyei maengc hnangv bungx norqc nor. 21 Yie yaac oix ciev guangc meih mbuo mbiorngz m'nqorngv nyei ndie, njoux yie nyei baeqc fingx biaux ndutv meih mbuo nyei buoz-ndiev. Yiem naav mingh ninh mbuo maiv yiem meih mbuo nyei buoz-ndiev benx zuqc zorqv nyei ga'naaiv. Meih mbuo ziouc hiuv duqv yie se Ziouv. 22 Yie maiv bun kuv mienh hnyouv mun mv baac meih mbuo longc gorngv-baeqc nyei waac bun ninh mbuo hnyouv namx. Meih mbuo yaac tengx jienv orqv mienh, maiv bun ninh huin nqaang nzuonx, leih nqoi orqv sic, njoux ninh nyei maengc. 23 Weic naav meih maiv duqv aengx buatc jaav hinc yaangh nyei sic yaac maiv

duqv aengx mbouv guaax. Yie oix njoux yie nyei baeqc fingx biaux ndutv meih mbuo nyei buoz-ndiev. Meih mbuo ziouc hiuv duqv yie se Ziouv. " "

Ye^le^mi 21:8 "Meih mbuo yaac oix zuqc mbuox naaiv deix baeqc fingx, 'Ziouv hnangv naaiv gorngv, "Yie zorqv ziangh nyei jauv caux daic nyei jauv an jienv meih mbuo nyei nza'hmien.

Yopv 34:22 Maiv maaih hmatv jieqv fai mapv hmuangx nyei dorngx bun zoux orqv nyei mienh bingx duqv mbueiz.

Singx Nzung 16:10 weic zuqc meih maiv guangc yie yiem yiemh gen, yaac maiv bun meih nyei Cing-Nzengc Mienh zuqc huv.

Singx Nzung 23:4 Maiv gunv yie yangh zuqc daic nyei dongh linh, hmuangx nyei horngz mingh, yie maiv gamh nziex zuqc haaix nyungc hoic, weic zuqc meih caux yie yiem. Meih longc biaav-mbiaac caux ndaangh ngau goux jienv yie.

Singx Nzung 30:3 O Ziouv aac, meih njoux yie yiem yiemh gen cuotv daaih, bun yie duqv maengc ziangh, maiv zuqc njiec yiemh gen.

Singx Nzung 49:15 Mv baac Tin-Hungh oix njoux yie nyei maengc leih ndutv yiemh gen nyei qaqv, weic zuqc ninh oix zipv yie. Selaa

Singx Nzung 56:13 Weic zuqc meih njoux yie nyei maengc biaux ndutv zuqc daic nyei jauv, yaac bun yie nyei zaux maiv zuqc ndorpc, weic bun yie yiem Tin-Hungh nyei nza'hmien, maaih ziangh maengc nyei njang ziux jienv.

Singx Nzung 68:20 Yie mbuo nyei Tin-Hungh se njoux yie mbuo nyei Tin-Hungh. Se Ziouv Tin-Hungh, njoux yie mbuo biaux ndutv maiv zuqc daic.

Singx Nzung 89:48 Maaih haaix dauh ziangh yaac maiv zuqc daic? Fai haaix dauh haih njoux ninh ganh leih ndutv yiemh gen nyei qaqv? Selaa

Singx Nzung 102:19,20 "Ziouv yiem ninh hlang jieq nyei cing-nzengc dorngx mangc njiec, yiem lungh gu'nguaaic mangc lungh ndiev, 20 weic muangx zuqc wuonx nyei mienh njunh nyei qieq, weic bungx nqoi zuqc dingc daix daic nyei mienh,"

Singx Nzung 116:8 Ziouv aac, meih njoux yie maiv zuqc daic, bun yie nyei m'zing maiv liouc wuom-mueic, bun yie nyei zaux yaac maiv ndiqv zuqc ndorpc.

Cong-Mengh Waac 10:2 Zoux maiv zingx duqv daaih nyei zinh zoih maiv lamh longc, mv baac zoux duqv horpc nyei sic haih njoux mienh maiv zuqc daic.

I^saa^yaa 26:19 Mv baac meih nyei mienh, daic mingh aengx oix ziangh jienv, ninh mbuo nyei sei aengx oix nangh daaih. Bueix jienv nie-mbung nyei mienh aah! Nyie daaih njien-youh nyei baaux nzung. Meih tengx ndau nyiemz hnangv lungh ndorm nyei mbiungc-suiv, meih yaac oix bun daic mingh lauh nyei mienh aengx nangh daaih.

Yo^han 5:28,29 "Meih mbuo maiv dungx weic naaiv deix sic hnamv maiv mengh baeqc. Ziangh hoc oix taux, yiem zouv nyei yietc zungv duqv haiz ninh nyei qieq 29 ziouc yiem zouv cuotv daaih. Zoux longx wuov deix duqv nangh daaih ziangh jienv. Zoux waaic wuov deix nangh daaih zuqc dingc zuiz.

Yo^han 10:28 Yie bun ninh mbuo maaih yietc liuz nyei maengc, yietc liuz maiv

zuqc daic. Ninh mbuo yiem yie nyei buoz, maiv maaih haaix dauh haih caangv duqv cuotv.

Yo^han 11:43,44 Yesu gorngv liuz naaiv deix waac ninh qieux hlo nyei heuc jienv gorngv, "Laa^saa^latv aah! Cuotv daaih maah!" 44 Daic mingh wuov dauh mienh ziouc cuotv daaih aqv. Ninh nyei buoz-zaux corc maaih ndie nzenc jienv. Hmien yaac maaih ndie buang jienv. Yesu mbuox ninh mbuo, "Nqongh tengx ninh jaiv nqoi, bungx ninh maah!"

Yo^han 12:17 Buatc Yesu heuc Laa^saa^latv yiem zouv nangh cuotv daaih wuov deix zuangx mienh zoux zorng-zengx gorngv nzengc naaiv deix jauv-louc.

Yo^han 17:2 Die bun yie maaih hatc maaz gunv maanc mienh yie cingx daaih haih bun dongh Die bun yie wuov deix duqv yietc liuz nyei maengc.

1 Ko^lin^to 15:19-26 Se gorngv mbuo sienx Giduc nyei mienh se weic naaiv seix maaih lamh hnamv hnangv, yiem naaiv lungh ndiev nyei maanc mienh, dongh gauh oix zuqc korv-lienh jiex se mbuo aqv. 20 Mv baac zien sic, Giduc daic mingh, Tin-Hungh bun ninh nangh daaih, weic zoux daic mingh nyei mienh nangh daaih nyei daauh dauh. 21 Baamh mienh hnangv haaix nor laaix yietc laanh mienh zuqc daic, baamh mienh yaac hnangv wuov nor weic yietc laanh mienh duqv nangh daaih. 22 Maanc mienh hnangv haaix nor laaix juangc Aa^ndam zuqc daic, mienh yaac hnangv wuov nor weic caux Giduc juangc maengc oix duqv nangh daaih. 23 Mv baac dauh dauh zueih yietv zueih nyeic nyei nangh daaih. Giduc zoux nangh daaih nyei daauh dauh. Nqa'haav, Giduc aengx daaih wuov zanc, benx ninh nyei mienh wuov deix yietc zungv yaac oix nangh daaih. 24 Nqa'haav setv mueiz nyei ziangh hoc ziouc taux aqv. Taux wuov zanc Giduc oix hingh nzengc yietc zungv gunv ndaamv-lungh, maaih lingc maaih qaqv nyei, ziouc zorqv ninh nyei quoqv jiu bun ninh nyei Die Tin-Hungh. 25 Weic zuqc Giduc oix zuqc gunv taux Tin-Hungh zorqv yietc zungv win-wangv bun yiem Giduc nyei zaux-ndiev. 26 Nqa'haav laai zuqc mietc nyei win-wangv se daic nyei jauv.

2 Ko^lin^to 1:9,10 Yie mbuo yiem hnyouv haiz hnangv zuqc dingc daix daic, mv baac naaiv se weic bun yie mbuo maiv kaux yie mbuo ganh. Se bun yie mbuo kungx kaux Tin-Hungh, dongh haih bun daic mingh nyei mienh nangh daaih wuov dauh. 10 Ninh njoux yie mbuo leih ndutv ciouv, haih hoic maengc nyei sic. Ninh aengx oix njoux yie mbuo. Yie mbuo ziouc kaux ninh maaih lamh hnamv ninh aengx oix njoux yie mbuo,

2 Ko^lin^to 3:6 Yie zuangx nyim, Aa^bor^lo fuqv wuom, mv baac Tin-Hungh ganh bun hlo daaih.

Ko^lo^si 1:21,22 Zinh ndaangc meih mbuo zoux nyei caux hnamv nyei waaic sic bun meih mbuo leih Tin-Hungh go, caux ninh zoux win-wangv mi'aqv. 22 Mv baac ih zanc Tin-Hungh bun meih mbuo caux ninh horpc hnyouv se weic Giduc nyei orv sin zuqc daic, weic dorh meih mbuo mingh yiem Tin-Hungh nyei nza'hmien cing-nzengc nyei, maiv maaih uix, maiv maaih dorngx daanh.

Hipv^lu 2:9 Daaux nzuonx mbuo buatc Yesu, dongh maaih douc zuqc zoux gauh aiv deix fin-mienh, duqv Tin-Hungh nyei en weic maanc mienh daic. Weic zuqc ninh siouc kouv taux daic, mbuo ih zanc buatc Tin-Hungh taaih ninh, bun ninh maaih njang-laangc dorngx hungh ningv.

Hipv^lu 2:14,15 Ninh heuc naamh nyoz wuov deix, se maaih orv maaih nziaamv nyei mienh. Yesu ganh yaac benx baamh mienh, maaih orv maaih nziaamv fih hnangv nyei. Hnangv naaic, weic ninh daic mingh ninh hah mietc nzengc maaih lingc bun mienh zuqc daic wuov dauh, se mienv nyei hungh, 15 yaac bungx nqoi ziangh seix zuqc zoux nouh weic gamh nziex hah daic nyei mienh.

Hipv^lu 11:5 Weic Enokv maaih sienx fim, Tin-Hungh zipv ninh faaux mi'aqv, ninh maiv zuqc daic. Maiv maaih haaix dauh hah lorz duqv buatc ninh, weic zuqc Tin-Hungh zipv ninh faaux mi'aqv. Ging-Sou gorngv, Tin-Hungh maiv gaengh zipv Enokv faaux wuov zanc, Enokv zoux duqv horpc Tin-Hungh nyei hnyouv.

1 Bide 3:18 Giduc weic zuiz daic yietc nzunc dorngx yietc liuz. Yietc laanh maiv maaih zuiz nyei mienh div zuangx zuiz-mienh daic weic dorh mbuo taux Tin-Hungh. Giduc nyei sin zuqc daix daic mv baac Singx Lingh bun ninh aengx nangh daaih.

2 Bide 1:3 Tin-Hungh longc ninh nyei qaqv zorqv mbuo yiem naaiv seix zaangc weic gan longx Tin-Hungh qiempx longc nyei nyungc-nyungc ceix bun mbuo. Mbuo hnangv naaiv nor duqv weic zuqc mbuo hiuv duqv ninh, dongh heuc mbuo daaih juangc ninh nyei njang-laangc caux ninh longx nyei yietc zungv wuov dauh.

1 Yo^han 3:14 Mbuo hnamv mbuo nyei gorx-youz ziouc hiuv duqv mbuo biaux ndutv hah daic nyei qaqv duqv maengc ziangh jienv. Haaix dauh maih hnamv mienh, wuov dauh corc zuqc daic nyei qaqv gunv jienv.

1 Yo^han 5:11 Tin-Hungh zoux zorng-zengx se dongh naaiv. Tin-Hungh bun mbuo duqv yietc liuz nyei maengc. Naaiv nyungc maengc se yiem ninh nyei Dorn daaih.

Laauc Yaangh 21:6 Ninh aengx mbuox yie, “Zoux ziangx aqv! Yie zoux An^faa yaac zoux O^me^gaa, zoux Gorn yaac zoux Setv Mueiz wuov dauh. Haaix dauh jaang nqaatv, yie oix baeqc baeqc bun yungz maengc nyei wuom-zingv nyei wuom ninh hopv.